




Broj: 01-02-1- 6921- 2 /26 – A.L.
Sarajevo, 24-06-2026

BOSNA I HERCEGOVINA
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
n/r Predsjedavajući, g. Elvedin Okerić
Reisa Džemaludina Čauševića 1
71000 Sarajevo



PREDMET: Odgovor na zastupničko pitanje zastupnice Sebiye Izetbegović, dostavlja se

Poštovana,

Postupajući po zastupničkom pitanju zastupnice u Skupštini Kantona Sarajevo, gospođe Sebiye Izetbegović, koje se odnosi na promjenu terapije onkološkim pacijentima iz nemedicinskih razloga, a u okviru nadležnosti i podataka kojima raspolaže Zavod zdravstvenog osiguranja Kantona Sarajevo, dostavljamo sljedeći odgovor:

Prije svega, potrebno je ukazati da je Odluku o prioritetnom programu lijekova koji se koriste u terapiji kod onkoloških pacijenata na području Kantona Sarajevo („Službene novine Kantona Sarajevo“, br. 39/24, 48/24, 20/25, 52/25 i 8/26) donijela Vlada Kantona Sarajevo, kao nadležni organ za utvrđivanje obima prava, uslova i načina ostvarivanja prava na lijekove obuhvaćene predmetnim Programom. Navedenom odlukom Zavod zdravstvenog osiguranja Kantona Sarajevo zadužen je za planiranje, obezbjeđenje i finansiranje sredstava potrebnih za realizaciju Programa, kao i za njegovu primjenu u skladu sa odredbama navedene odluke.

Ukupan iznos sredstava za nabavku citostatika u 2024. godini iznosio je 1.777.904 KM, dok je u 2025. godini izdvojeno 16.067.089 KM. Također, Odlukom o izmjenama i dopuni Odluke o prioritetnom programu lijekova koji se koriste u terapiji kod onkoloških pacijenata na području Kantona Sarajevo („Službene novine Kantona Sarajevo“, broj 52/25), Zavod je zadužen da za 2026. godinu planira sredstva za nastavak finansiranja Programa u iznosu od 25.000.000,00 KM.

Kriteriji raspodjele citostatika vrše se u skladu sa Odlukom o prioritetnom programu lijekova koji se koriste u terapiji kod onkoloških pacijenata na području Kantona Sarajevo, njenim izmjenama i dopunama, kao i ugovorima zaključenim radi realizacije Programa. Pravo na korištenje lijekova ostvaruju osigurana lica koja u momentu uključivanja u terapiju imaju kontinuirano zdravstveno osiguranje u Kantonu Sarajevo u trajanju od najmanje šest mjeseci i koja se nalaze na Listi čekanja Federalnog zavoda zdravstvenog osiguranja i reosiguranja duže od 30 dana, osim u slučajevima kada postoje medicinski opravdani razlozi za ranije uključivanje u terapiju.

Klinika za onkologiju, Klinika za hematologiju, Klinika za plućne bolesti i tuberkulozu „Podhrastovi“ na sedmičnom nivou Zavodu dostavljaju podatke o kandidatima za uključivanje u Program, nakon čega Zavod vrši provjeru ispunjenosti propisanih uslova (status kontinuiranog zdravstvenog osiguranja i status kandidata na Listi čekanja Federalnog zavoda zdravstvenog osiguranja i reosiguranja) i izdaje odgovarajuće saglasnosti. Lijekovi se naručuju za konkretnog pacijenta za kojeg je izdata saglasnost, čime se osigurava namjensko korištenje sredstava i potpuna sljedivost terapije.

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 132-020-20293671-18

Transakcijski račun broj: 306-000-32712158-45

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba





Zavod zdravstvenog osiguranja Kantona Sarajevo (ZZOKS) ne učestvuju u procesu odlučivanju o terapiji i promjeni terapije. Odluke te vrste donose ljekari gore pomenutih Klinika u skladu sa zdravstvenim stanjem pacijenta.

Svi lijekovi se naručuju i evidentiraju na ime konkretnog pacijenta, a prema podacima kojima raspolaže Zavod zdravstvenog osiguranja Kantona Sarajevo, od početka realizacije Programa do danas nije bilo problema u isporuci lijekova koji bi uzrokovali odgađanje liječenja pacijenata. Kontinuirana saradnja svih učesnika u realizaciji Programa omogućava pravovremenu dostupnost terapije osiguranim licima sa područja Kantona Sarajevo.

S poštovanjem,

Po ovlaštenju Direktora
Stručni savjetnik za zastupanje i poslove ugovaranja



Dostaviti:

- ① Naslovu;
- Direktor;
- Službi pravnih poslova;
- Odjeljenje za javnost rada, pozivni centar i EZK;
- a/a.